

永樂北藏



永

樂

北

藏

趙樸初題



永樂北藏第四九冊目錄

○力莊嚴三昧經	三卷	隋那連提耶舍譯	(信一—二)		一
○佛說八部佛名經	一卷	元魏般若流支譯	(信二)		五一
○百佛名經	一卷	隋那連提耶舍譯	(信二)		五五
○佛說不思議功德諸佛所護念經	二卷	隋闍那崛多譯	(信三—四)		六三
○金剛三昧本性清淨不壞不減經	一卷	失譯人名附三秦錄	(信五)		一〇三
○佛說師子月佛本生經	一卷	失譯人名附三秦錄	(信五)		一一二
○演道俗業經	一卷	乞伏秦聖堅譯	(信五)		一二二
○佛說長者法志妻經	一卷	失譯人名附北涼錄	(信六)		一三七
○佛說薩羅國經	一卷	失譯人名附東晉錄	(信六)		一四一
○佛說十吉祥經	一卷	失譯人名附秦錄	(信六)		一四六
○佛說長者女庵提遮師子吼了義經	一卷	失譯人名附梁錄	(信六)		一四八
○佛說一切智光明仙人慈心因緣不食肉經	一卷	失譯人名附秦錄	(信六)		一五七
○大方等陀羅尼經	四卷	北涼法衆譯	(信七—十)		一六五
○大法炬陀羅尼經	二十卷	隋闍那崛多等譯	(使一—可十)		二五五

○大威德陀羅尼經

二十卷

隋闍那崛多等譯

(本冊卷第一至卷第十四)

覆一—器一)

六七五

○翻經一四音大陀羅尼經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經十吉祥經 一卷 夫經入各州秦錄 (計六)

○翻經龍顯國經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

○翻經身香女多點經 一卷 夫經入各州秦錄 (計六)

本樂外藏第四大冊目錄

力莊嚴三昧經卷上

中同

信一

喻三藏法師那連提耶舍譯

如是我聞一時婆伽婆住舍婆提城祇陀林樹給孤獨園與比丘衆五百人俱一切皆是大阿羅漢諸漏已盡無復煩惱心得好解脫慧得好解脫其心柔和猶調伏象內外清淨究竟斷除五陰重擔所作已辦不受後有猶如諸佛解脫無爲不爲有爲生死遷動唯除一人在於學地所謂長老阿難比丘一切皆得寂滅之法一切皆得調伏之法一切具足

永樂北藏

力莊嚴三昧經

第四九冊

最勝之法一切不住於意識中一切皆得種種解脫一切皆得自在神通復有八十百千菩薩摩訶薩等而爲上首所謂文殊師利童子智輪大海辯才童子蓮華藏光一切衆生眼童子無邊心廣義慧童子天寶燄光善照曜幢童子難可譬喻善色受見童子觀諸衆生眼視不瞬童子大願不虛見童子深遠雷震鼓音響聲童子離障礙一切衆生眼童子寶藏燄輪廣德童子多福德衆生見勝幢童子勝妙無邊香光童子無邊力精進善大奮

永樂北藏

力莊嚴三昧經

第四九冊

迅童子牢固精進無邊智光幢童子一切差別德勝智童子不可破壞能常最勝童子成就一切自在導師童子相好莊嚴清淨福行善名稱童子一切衆生最愛樂童子如是等衆諸童子俱一切皆得不退轉道以金剛鎧大願莊嚴心常寂靜盡諸有邊不壞法中得大清淨最勝清淨彼岸清淨一切清淨行皆清淨爾時世尊於彼後夜第一分中入于三昧此之三昧名力莊嚴入三昧已悉知過去現在未來一切衆生生死業行佛神力故是

時此處祇陀樹園地及虛空一切皆滿天衣寶帳交絡網縵天蓋幢幡閤塞周遍又垂種種雜妙流蘇細藥天華繽紛亂墜林樹間錯七寶廁填種種莊嚴布散於地天諸香葉天彌那羅天桂鬱金及熏香等煙雲微密飄飄氤氲時卷時舒可愛可樂時祇陀樹如是種種天寶莊嚴廣博淨故有大威德具衆光明照曜虛空盡十方面現此難量諸莊嚴已有師子座自然而出殊特妙好勝天報成以座莊嚴光因緣故今此三千大千世界一切赫

耀皆悉照明譬如夜中然大炬火一切闇冥
悉滅無餘爾時此三千大千世界娑婆國土
所有穢惡丘陵堆阜崖岸川原礫石土沙高
下坑坎陂池溝壑泉井江湖小河大河小海
大海須彌海島尼民陀羅仙聖所居十寶諸
山斫迦婆羅及大斫迦婆羅山等悉皆平坦
無諸荆棘并餘叢林清淨端平如瑠璃掌又
有種種七寶莊嚴天曼陀華遍覆於地天葉
藕根天多摩羅天桂鬱金香熏雲氣普皆周
遍遙虛空中又有諸天無量音樂百千萬億

那由他種自然出聲悉說妙法時此三千大
千世界滿虛空中種種七寶蓮華莊嚴最勝
香光皆作金色純青瑠璃用以爲莖臺廣七
肘皆高七尋蓮華開敷其可喜樂天栴檀樹
曼陀華樹天龍華樹其樹各各高七多羅枝
葉扶疎色香具足青黃赤白皆如蓮華如是
莊嚴三千大千一切地界至有頂天悉如天
宮淨妙國土現是變已是時一切無量衆生
以佛力加故無障礙此彼徹見猶淨瑠璃難
可思量佛境界故爾時此三千大千世界地

住諸天乃至一切阿迦膩吒天并及五百羅漢比丘八十百千菩薩衆等作如是念此是如來力莊嚴力此是如來人中師子此是如來最大奮迅此是如來師子奮迅此是如來大大師子奮迅踊躍此是如來大神通莊嚴之事不可思議不可讚歎如是見已天及聲聞諸菩薩等一切大衆皆於佛所生大信心胡跪合掌一心低頭供養而住爾時東方過如恒河沙等世界彼有佛刹名一切光其中有佛號無邊光多陀阿伽度阿羅呵三藐

三佛陀與大比丘衆八千萬比丘尼三千萬菩薩摩訶薩八十百千萬優婆塞八十八萬優婆夷七十千萬亦有最大威德天人皆於彼衆圍遶佛座聽說法要爾時南方過如恒河沙等世界彼有佛刹名曰大光其中有佛號無邊精進多陀阿伽度阿羅呵三藐三佛陀與大比丘衆十千萬人俱菩薩摩訶薩四十千萬優婆塞六十千萬亦有最大威德天人皆於彼衆圍遶佛座聽說法要爾時西方過如恒河沙等世界彼有佛刹名曰普光其

中有佛號曰普見多陀阿伽度阿羅呵三藐
三佛陀與大比丘二億衆俱三億比丘九
億六千萬菩薩摩訶薩衆八億優婆塞六億
優婆夷亦有最大威德天人皆於彼衆圍遶
佛座聽說法要爾時北方過如恒河沙等世
信一
界彼有佛刹名曰大燈其中有佛號曰作光
多陀阿伽度阿羅呵三藐三佛陀與大比丘
六億衆俱四萬比丘尼八億菩薩摩訶薩衆
九億優婆塞八億優婆夷亦有最大威德天
人皆於彼衆圍遶佛座聽說法要爾時東北

方過如恒河沙等世界彼有佛刹名曰金光
照曜其中有佛號金色光多陀阿伽度阿羅
呵三藐三佛陀與大比丘七億衆俱三億比
丘尼八億菩薩摩訶薩衆九億優婆塞八億
優婆夷亦有最大威德天人皆於彼衆圍遶
佛座聽說法要爾時東南方過如恒河沙等
世界彼有佛刹名大炬光其中有佛號不可
思議日光多陀阿伽度阿羅呵三藐三佛陀
與大比丘八億四千萬一億八千萬比丘尼
九億六千萬菩薩摩訶薩八億八千萬優婆

永樂北藏

力莊嚴三昧經

第四九冊

塞八億優婆夷亦有最大威德天人皆於彼
衆圍遶佛座聽說法要爾時西南方過如恒
河沙等世界彼有佛刹名善勝光其中有佛
號曰大光多陀阿伽度阿羅呵三藐三佛陀
與大比丘衆九億六千萬八億比丘尼九億
二千萬菩薩摩訶薩九億優婆塞九億六千
萬優婆夷亦有最大威德天人皆於彼衆圍
遶佛座聽說法要爾時西北方過如恒河沙
等世界彼有佛刹名寶智意其中有佛號寶
藏光多陀阿伽度阿羅呵三藐三佛陀與大

比丘八億衆俱二億比丘尼八億菩薩摩訶
薩衆八億八千萬優婆塞七億優婆夷亦有
最大威德天人皆於彼衆圍遶佛座聽說法
要爾時上方過如恒河沙等世界彼有佛刹
名日月光其中有佛號月幢光多陀阿伽度
阿羅呵三藐三佛陀與大比丘七億衆俱三
億比丘尼八億菩薩摩訶薩衆九億二千萬
優婆塞九億優婆夷亦有最大威德天人皆
於彼衆圍遶佛座聽說法要爾時下方過如
恒河沙等世界彼有佛刹名離垢光其中有

佛號普眼見多陀阿伽度阿羅呵三藐三佛
陀與大比丘衆九億六千萬四億比丘尼九
億四千萬菩薩摩訶薩八億優婆塞七億優
婆夷亦有最大威德天人皆於彼衆圍遶佛
座聽說法要爾時文殊師利童子及一切衆
生最愛樂童子如是衆等二十童子一時俱
起到於佛所到佛所已時釋迦佛在三昧中
百福莊嚴寂然不動時諸童子各各默然偏
袒右臂頂禮佛足右遶如來遶三匝已譬如
壯士屈伸臂頃各往十方爾時文殊師利童

子智輪大海辯才童子向於東方度如恒河
沙等國土彼有世界名一切光其中有佛號
無邊光如來應供正遍知十號具足爲諸大
衆說微妙法時二童子到彼刹已爲佛作禮
坐於衆中爾時蓮華藏光一切衆生眼童子
無邊心廣義慧童子等向於南方度如恒河
沙等國土彼有世界名曰大光其中有佛號
無邊精進如來應供正遍知十號具足爲諸
大衆說微妙法時二童子到彼刹已爲佛作
禮坐於衆中爾時天寶燄光善照曜幢童子

永樂北藏

力莊嚴三昧經

第四九冊

難可譬喻善色愛見童子等向於西方度如恒河沙等國土彼有世界名曰普光其中有佛號曰普見如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時觀諸衆生眼視不瞬童子大願不虛見童子等向於北方度如恒河沙等國土彼有世界名曰大燈其中有佛號曰光作如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時深遠雷震鼓音響聲童子離

障礙一切衆生眼童子等向東北方度如恒河沙等國土彼有世界名曰光照其中有佛號金色光如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時寶藏燄輪廣德童子多福德衆生見勝幢童子等向東南方度如恒河沙等國土彼有世界號大炬光其中有佛號不可思議日光如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時勝妙無邊香光童子

無邊力精進善大奮迅童子等向西南方度如恒河沙等國土彼有世界名善勝光其中有佛號曰大光如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時牢固精進無邊智光幢童子一切差別德勝智童子等向西北方度如恒河沙等國土彼有世界名寶意慧其中有佛號寶藏光如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時不可破壞能常最

勝童子成就一切自在導師童子等向於上方度如恒河沙等國土彼有世界名日月光其中有佛號寶幢光如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時相好莊嚴清淨福行善名稱童子一切衆生最愛樂童子等向於下方度如恒河沙等國土彼有世界名離垢光其中有佛號普眼見如來應供正遍知十號具足爲諸大衆說微妙法時二童子到彼刹已爲佛作禮坐於衆中爾時無邊光

永樂北藏

力莊嚴三昧經

第四九冊

如來應正遍知為諸大衆知而故問文殊師利童子智輪大海辯才童子等言汝二大士從何所來時二童子報彼佛言世尊此刹西方過如恒河沙等世界國名娑婆佛號釋迦牟尼如來多陀阿伽度阿羅呵三藐三佛陀以大莊嚴入于三昧我等從彼佛世尊所恭敬頂禮三遶畢來爾時無邊精進如來應正遍知為諸大衆知而故問蓮華藏光一切衆生眼童子無邊心廣義慧童子等言汝二大士從何所來時二童子報彼佛言世尊此刹

北方過如恒河沙等世界國名娑婆佛號釋迦牟尼如來多陀阿伽度阿羅呵三藐三佛陀以大莊嚴入于三昧我等從彼佛世尊所恭敬頂禮三遶畢來爾時普見如來應正遍知為諸大衆知而故問天寶燄光善照曜幢童子難可譬喻善色愛見童子等言汝二大士從何所來時二童子報彼佛言世尊此刹東方過如恒河沙等世界國名娑婆佛號釋迦牟尼如來多陀阿伽度阿羅呵三藐三佛陀以大莊嚴入于三昧我等從彼佛世尊所

恭敬頂禮三遶畢來爾時大燈如來應正遍
知爲諸大衆知而故問觀諸衆生眼視不瞬
童子大願不虛見童子等言汝二大士從何
所來時二童子報彼佛言世尊此剎南方過
如恒河沙等世界國名娑婆佛號釋迦牟尼
如來多陀阿伽度阿羅呵三藐三佛陀以信一大
莊嚴入于三昧我等從彼佛世尊所恭敬頂
禮三遶畢來爾時金色光如來應正遍知爲
諸大衆知而故問深遠雷震鼓音細音聲童子
離障礙一切衆生眼童子等言汝二大士從

何所來時二童子報彼佛言世尊此剎西南
過如恒河沙等世界國名娑婆佛號釋迦牟
尼如來多陀阿伽度阿羅呵三藐三佛陀以
大莊嚴入于三昧我等從彼佛世尊所恭敬
頂禮三遶畢來爾時不可思議日光如來應
正遍知爲諸大衆知而故問寶藏能輪廣德
童子多福德衆生見勝幢童子等言汝二大
士從何所來時二童子報彼佛言世尊此剎
西北過如恒河沙等世界國名娑婆佛號釋
迦牟尼如來多陀阿伽度阿羅呵三藐三佛

永樂北藏

力莊嚴三昧經

第四九冊

陀以大莊嚴入于三昧我等從彼佛世尊所
恭敬頂禮三遶畢來爾時善光如來應正遍
知爲諸大衆知而故問勝妙無邊香光童子
無邊力精進善大奮迅童子等言汝二大士
從何所來時二童子報彼佛言世尊此剎東
北方過如恒河沙等世界國名娑婆佛號釋
迦牟尼如來多陀阿伽度阿羅呵三藐三佛
陀以大莊嚴入于三昧我等從彼佛世尊所
恭敬頂禮三遶畢來爾時寶藏光如來應正
遍知爲諸大衆知而故問牢固精進無邊智

光幢童子一切差別德勝智童子等言汝二
大士從何所來時二童子報彼佛言世尊此
剎東南過如恒河沙等世界國名娑婆佛號
釋迦牟尼如來多陀阿伽度阿羅呵三藐三
佛陀以大莊嚴入于三昧我等從彼佛世尊
所恭敬頂禮三遶畢來爾時寶幢光如來應
正遍知爲諸大衆知而故問不可破壞能常
最勝童子成就一切自在導師童子等言汝
二大士從何所來時二童子報彼佛言世尊
此剎下方過如恒河沙等世界國名娑婆佛

號釋迦牟尼如來多陀阿伽度阿羅呵三藐
三佛陀以大莊嚴入于三昧我等從彼佛世
尊所恭敬頂禮三遶畢來爾時普眼見如來
應正遍知為諸大眾知而故問相好莊嚴清
淨福行善名稱童子一切眾生最愛樂童子
等言汝二大士從何所來時二童子報彼佛
言世尊此剎上方過如恒河沙等世界國名
娑婆佛號釋迦牟尼如來多陀阿伽度阿羅
呵三藐三佛陀以大莊嚴入于三昧我等從
彼佛世尊所恭敬頂禮三遶畢來爾時十方

諸佛世界聞此釋迦牟尼如來多陀阿伽度
阿羅呵三藐三佛陀十號名已彼十方剎一
切佛土皆大震動動遍動等遍動震遍震等
遍震涌遍涌等遍涌如是動已時彼十方諸
佛侍者各各合掌白於佛言世尊何因緣故
今此三千大千世界如是大動時十方佛皆
即告其自侍者言善男子從此剎西過如恒
河沙等世界彼有國土名曰娑婆佛號釋迦
牟尼如來多陀阿伽度阿羅呵三藐三佛陀
於今現在入力莊嚴三昧為諸四眾圍繞而